

”شهادتي غير كل الشهادات. ما فيها قصف ولا دم ولا شهداء، ولا نزوح ولا جوع، ولا مرض ولا خيمة ولا برد. ولا أي شيء من اللي بنشوفه عالخبار. فيها بس موت، عالسكت. شهادتي، أول مرة تكون مش بتوقيت غزة.

وجعي بعيشه مرتين، قلقي وخوفي بعيشه مرتين، لهاي الحرب شمسين وقمرين وليلين ونهارين كل شيء عم بحسو ضعفين، عايشة بتوقيتين وساعتين، عقاربهم تقررص قاع روجي قرص مع كل تكة وتكة.

الحرب حربين، لأنني أنا وولادي المسافة بيننا قارتين، لما بسأل كريم كيفك ماما بتوقيت أمريكا، بتوصلني الإجابة بتوقيت غزة:  
”الحمد لله ماما. الله نجانا هاي الليلة.”

أنا كأم بقدرش أتطمئن وأعرف كيف حال ولادي باللحظة اللي بسألهم فيها السؤال. باللحظة اللي قلبي بفرّ مرة وحدة، وبيعتلهم لأنني بكون حاسّة إن مالهم إشي أو فيه حواليلهم إشي، مش بس بتوصلني الإجابة متأخرة ولكن محمد اللي بجاوب مش كريم.

الإجابة باطلّة والسؤال ملوش محلّ في قاموس الأمهات. لأنو قلبي لسا ضايل بتوقيت محمد وكريم. لسا ضايل بتوقيت غزة، قلبي مليان أسئلة بتنامش، مرعوبة، حزينة، أسئلة مليانة دموع، أسئلة خايفة لا سمح الله أصحى بيوم وملاقيش إجابة، أو خايفة لا سمح الله يصحوا بيوم وما يلاقوا سؤال، كريم، بوبو قلبي مش بخير، محمد، صاحب روجي مش بخير!

يارب استوعدتك أولادي يارب!

شهادة لامرأة نشير لها بالأحرف (م.س) وصلتنا عبر رسالة في تاريخ 24.1.2024، اضطرت لمغادرة غزة قبل الحرب وذلك للمشاركة في تدريب في الولايات المتحدة. وعلقت في الخارج بينما يواجه أطفالها الحرب لوحدهم دونها.

نعيش ونحكي

**شهادات نساء من غزة**